

# Un aventura curiose del Baron von Münchhausen in Polonia



## Un aventura curiose del Baron von Münchhausen in Polonia

traducite in interlingua per Harleigh Kyson Jr., SUA  
Composition: Thomas Breinstrup. Illustration: Oskar Herrfurth, Goethezeitportal ([www.goethezeitportal.de](http://www.goethezeitportal.de)). Publicate: julio 2007

© 2007 Union Mundial pro Interlingua

*Tote derechos reservate. Iste texto es facite disponibile pro uso non-commercial solmente. Tote formas de re-vendita o re-distribution electronic o imprimate es prohibite sin permission in scripto. Nulle parte de iste publication pote assi esser reproducite, copiate, conservate in un systema de cercar o transmittite in ulle forma o per ulle methodo: graphic, electronic, mechanic, photographic, registrate sur disco o cassetta, transferite a bases de datos o in altere maniera sin permission in scripto. Es permittite citar in recensioni con indication del fonte.*

## Un aventura curiose de Baron von Münchhausen in Polonia

Un hiberno le famose Baron von Münchhausen cavalca sur su cavallo de Roma verso Russia, e ille nunc es in Polonia. Un matino ille comencia a cavalvar omne le die sin vider o un casa o un village. Il face frigido, e al mediedie il comencia nivar, e un quantitate de nive horribilmente grande cade.

Le horas passa lentamente, e veni le vespere. Il non ha qualcosa que pote vider se in ulle parte – nulle arbusto, nulle arbores, nihil! Le baron mesme non vide ulle maniera de continuar. Toto es blanc, ma totevia veni le nocte.

Le baron cerca un lumine, nam ille deveni fatigate. Ubi il ha un lumine, il possibilmente ha un lecto e anque alique a mangiar. Ma ille non ha ulle sorte e ha perdit le via. Finalmente su cavallo deveni tanto fatigate, que illo quasi cade.

3

Subitemente illo face un passo false e collide con un parve palo de ferro cuje culmine sorti ex le nive. Le baron crede que illo es certamente le indicator de un via. Ille decide restar ubi ille se trova e continuar le matino sequente, su corage refrescate. Ille liga su cavallo al palo, mitte su pistola sub su capite, se rola in su copertura pro dormir, e se addor-mi.

Le matino sequente le baron se evelia. Le tempore es belle, le sol reluce, e le baron se trova jacente sur le herba verde in le corte de un ecclesia. Su mantello jace sub ille, e su pistola anque se trova sub su capite.

“Esque io sonia?” ille dice. “No, io me ha plenmente eveliate. Ma ubi es io, e ubi es mi cavallo fidel?”

Instantemente le baron audi le responsa, quando su cavallo hinni desde un distantia alte sur su capite.

“Que es illo? Como es illo possibile?”

Ille leva le oculos e vide le cavallo sur le turre, su brida sur le palo, que vermente esseva un monstravento. Le baron prende un de su pistolas. Ille lancea un tiro. Le turre se rumpe, e le cavallo glissa a basso e cade dulcemente sur le terra. Le baron salta sur le dorso de su cavallo e cavalca via.

Que occurreva? Le baron nos offere iste explication: Primo tante nive cade, que tote le terra jace sub illo. Le palo ferree que sorti del nive es le monstravento del turre, e non un indicator de via.

4

Subitemente il deveni plus calide durante le nocte, e le nive se funde. Tote le nive se liqueface, e le cavallo remane alte e sec sur le tecto. Lo que resta, vos jam sape. Ma ... esque vos lo crede? Si illo es ver, illo certamente es un aventura multo curiose.

## Le autor

Hieronymus von Münchhausen (1720-1792) veniva de Hannover in Germania. Ille esseva durante multe annos officiero in Russia e luctava in duo guerras contra le turcos. Ille esseva un narrator talentose, e post un bottilia de bon vino ille amava narrar de su viages e aventuras spectacular.